	<u>Område:</u> Processtyring (Instruktioner og Procedurer.)	<u>Emne:</u> P 038-01 Procedure for afvikling af afsluttende prøver		<u>Side antal:</u> Side 1 af 11
	<u>Godkendt områdeansvarlig:</u> Forstander	<u>Q – bog:</u> Procedurehåndbog	<u>Erstatter:</u>	<u>Forfatter:</u> JC
	<u>Godkendt Q-koordinator:</u> JC	<u>Dokumentbetegnelse:</u> P P 038-01 DK		<u>Gyldig fra:</u> 15.10.2013

## Kapitel 7 – Ingerlaatsimut aqutsineq (ilitsersuutit ingerlaatsillu)

### 038-01 Misilitsinnerit naggataarutaasut ingerlanneqarnerinut ingerlaaseq

#### 1. Siunertaa

Ingerlaatsip uuma siunertaraa misilitsinnerup naggataarutaasup ingerlanneqarnerani malittarisassat aalajangernissaat, taamaalilluni Søfartsstyrelsenip piumasaqaatai malinneqarniassammata.

#### 2. Atuuffia

Ingerlaatsip atuuffia pissaaq Imarsiornermik Ilinniarfimmi naggataarutaasumik misilitsinnerni tamani:

- Imarsiornermik Ilinniarfik Nuuk
- Imarsiornermik Ilinniarfik Paamiut
- Imarsiornermik Ilinniarfik Uummannaq

#### 3. Isumasiuutit

**3.1. Naggataarutaasumik misilitsinneq** misilitsinneruvoq, ataatungaani periaaseq imaluunniit periutsit malillugu/git, naliliisunik ilaqartinneqartumik:

3.1.1. **Allattariarsorluni misilitsinneq** allattariarsorluni erseqqissuliatut suliassiisutit inuttut ataasiakkaatut akisassiaapput. Suliassiissutip inenera piffissaliussap killilikkap iluani ilitsersorneqarnani suliassaavoq.


3.1.2. **Oqaluttariarsorluni misilitsinneq** misilitsinnermi peqataasup soraarummeersitsisullu akornanni oqaloqatiginninneruvoq, tassanilu ilanngunneqarsinnaapput namminerisamik saqqummiineq aamma/imaluunniit apeqqtinik akiortuineq. Misilitsinnermi makitsinnermi nassaarineqartoq aallaavigissavaa apeqquteqartoqartassaaq.

3.1.3. **Assassorluni misilitsinneq** misilitsinneruvoq, soraarummeertup assassoorluni suliassiissutip piffissaliussap killilikkap iluani aqqissinnaaneranut piginnaasaqarnerminik takutitsineratigut.

Makkua Immikkoortunut akisussaapput:

**3.2.** Pitsaassutsimut ataqatigiissaarisup, Imarsiornermik Ilinniarfimmi pitsaassutsimut periutsimut tunngasut tamaasa akisussaaffigai.

**3.3.** Forstanderip, qullersatut Imarsiornermik Ilinniarfimmi sulianut tunngasut tamaasa akisussaaffigai.

	<b>Område:</b> Processtyring (Instruktioner og Procedurer.)	<b>Emne:</b> P 038-01 Procedure for afvikling af afsluttende prøver		<b>Side antal:</b> Side 2 af 11
	<b>Godkendt områdeansvarlig:</b> Forstander	<b>Q – bog:</b> Procedurehåndbog	<b>Erstatter:</b>	<b>Forfatter:</b> JC
	<b>Godkendt Q-koordinator:</b> JC	<b>Dokumentbetegnelse:</b> P P 038-01 DK		<b>Gyldig fra:</b> 15.10.2013

- 3.4. Nuummi inspektørrip, Nuummi Imarsiornermik Ilinniarfimmi sulianut tunngasut tamaasa akisussaaffigissavai.
- 3.5. Paamiuni inspektørrip, Paamiuni Imarsiornermik Ilinniarfimmi sulianut tunngasut tamaasa akisussaaffigissavai.
- 3.6. Uummannami inspektørrip, Uummannami Imarsiornermik Ilinniarfimmi sulianut tunngaasut tamaasa akisussaaffigissavai.
- 3.7. Pikkorissarnermut immikkoortortap inspektøriata, Imarsiornermik Ilinniarfimmi pikkorissarnermut tunngasut tamaasa akisussaaffigissavai.
- 3.8. Ilinniartitsisut sammisani ataasiakkaani atuartitsisarnissaminnik ingerlatsisarnissartik akisussaaffigaat.

#### 4. Tunngavik, Innersuussutit aamma Ilanngussat

- Søfartsstyrelsenip imarsiorluni ilinniartitaanerni pitsaassutsimut qulakkeerininissamut malittarisassai, takuuk
- Nalunaarut nr. 1373 16/12/2009-imeersoq imarsiorluni ilinniartitaanerni akuersissutit aamma pitsaassutsimut qulakkeerinerit il.il. pillugit.
- Inatsisartut inatsisaat nr. 10 19. maj 2010-imeersoq innuussutissarsiuqarnermi inuussutissarsiutigalugu ilinniartitaanerit aamma pikkorissarnerit pillugit.


#### 5. Nalunaarsuinerit

Ingerlaaseq una Imarsiornermik Ilinniarfimmi pitsaassutsimut periusaanut nalunaarsorneqassaaq.

#### 6. Periaaseq


##### 6.1. Nalinginnaasumik

- 6.1.1. Ilinniarfiup aalajangissavaa, kina soraarummeersitsisuussanersoq. Soraarummeersitsisoq taannaasariaqarpoq imaluunniit ilinniartitsisut misilitsinnermi peqataasussamut suliami/ni ilinniartitsisuusimasariaqarpoq/put, naliliisissaq/ssat.
- 6.1.2. Misilitsinnerup ilusia, sivirususia, naliliineq, atortut il.il. suliami pineqartumi ilinniartitaanermut pilersaarutaani takuneqarsinnaapput.
- 6.1.3. Suliani, sammisani, modulini ataasiakkaani imaluunniit assigisaani, ilinniartitaanermi agguarneqarsimasumi, immikkut tamarmik angusiffiussapput. Ilinniartitaanermi immikkoortut anguneqarsimasut pineqaqqisinnaangillat.
- 6.1.4. Misilitsinnerit malittarisassatut pingaarnertut aaqqissuunneqassapput inuttut ataasiakkaatut aaqqissuussatut. Ilinniarfiup aalajangersarsinnaavaa, misilitsinne-

	<b>Område:</b> Processtyring (Instruktioner og Procedurer.)	<b>Emne:</b> P 038-01 Procedure for afvikling af afsluttende prøver		<b>Side antal:</b> Side 3 af 11
	<b>Godkendt områdeansvarlig:</b> Forstander	<b>Q – bog:</b> Procedurehåndbog	<b>Erstatter:</b>	<b>Forfatter:</b> JC
	<b>Godkendt Q-koordinator:</b> JC	<b>Dokumentbetegnelse:</b> P P 038-01 DK		<b>Gyldig fra:</b> 15.10.2013

rit aalajangersimasut imaluunniit misilitsinnerit ilaat eqimattatut misilitsinnertut aaqinneqarnissaat. Eqimattatut misilitsinnerni qulakkeerneqassaaq, inuttut ataa-siakkaatut naliliinerit pisarnissaat.

- 6.1.5. Misilitsittoqannginnerani naliliisussaq soraarummeersitsisussarlu periarfissa-qartariaqarput apeqqutit suliamut aammalu perorsaanermut tunngasut oqallisigis-sallugit sammisamut aammalu atuartitaanermut, tassungalugu ilanngullugit atuarti-taanerup pilersaarusioneranut aamma ingerlanneqarneranut tunngasut.
- 6.1.6. Misilitsinneq aallartereerpat naliliinissaq pisariaqarpoq misilitsinneq anisit-sinermik imaluunniit napparsimanermik peqquteqartumik unitsinneqanngippat.
- 6.1.7. Nipinik assilinnillu immiussinerit misilitsinnerup nalaani akuerisaanngillat, aatsaalli misilitsinnerup ingerlarngata ilaatut ilaatinneqarpata.
- 6.1.8. Misilitsinnermi peqataasussaq napparsimanini pissutigalugu misilitsinner-mut takkutinnngippat imaluunniit misilitsiffiusoq qimappagu, kingusinnerpaamik ulluinnaat 2-it qaangiutsinnagit ilinniartitaanermut naammaginartumik nakorsamit uppersaammik saqqummiussaqartariaqarpoq. Taamaattoqanngippat misilit-sinneq taamaatitaq angusinnngitsutut isigineqassammat.
- 6.1.9. Misilitsinnermi peqataasup naammassisaa naliliiffigineqassaaq aammalu inuttut ataatsit siunertamut naleqqiullugu naliliiffigineqassalluni, taannami/takkumi sammisami/ni ilinniartitaanermut pineqartumut kiisalu siunertamut/nut anguniakkamullu/nullu naliliiffigineqartussaammat/a.
- 6.1.10. Naliliinnermi karaktereq aalajangerneqassaaq soraarummeersitsisup nalilii-sullu akunnerminni oqaloqatigiinnerisa kingorna. Oqaloqatigiinneq allanut oqaa-tigineqaaqusaanngilaq. Soraarummeersitsisup naliliisullu immikkut karakteri-liinerat misilitsinnermi peqataasumut nalunaarutegeqqusaanngilaq.
- 6.1.11. Soraarummeersitsisoq pisussaavoq karakteriliinini siulliullugu taassallugu, naliliisumik allamik isumaqatigiittoqarsimannngippat.
- 6.1.12. Naammassisaaq soraarummeersitsisumit naliliisumillu assigiinnngitsumik nali-liiffigineqarpat, karakteri taannaassaaq, kisitsisip nalinga katitat agguaqatigiis-sinnerannut qaninnerusoq. Katitat agguaqatigiissinneranni karakterskalami kisit-sisit nalingat kisitsisit marluk akornanniippat, karakteriliunneqartoq qaffasinne-rusoq aalajangiissaaq, naliliisartup karakteri qaffasinnerusoq tunniussimappagu, imaluunniit karakteri annikinnerusoq qaninneruppagu annikinnerusoq tunniun-neqassaaq.

	<b>Område:</b> Processtyring (Instruktioner og Procedurer.)	<b>Emne:</b> P 038-01 Procedure for afvikling af afsluttende prøver		<b>Side antal:</b> Side 4 af 11
	<b>Godkendt områdeansvarlig:</b> Forstander	<b>Q – bog:</b> Procedurehåndbog	<b>Erstatter:</b>	<b>Forfatter:</b> JC
	<b>Godkendt Q-koordinator:</b> JC	<b>Dokumentbetegnelse:</b> P P 038-01 DK		<b>Gyldig fra:</b> 15.10.2013

6.1.13. Soraarummeersitsisup pisussaaffigaa, karakterit aalajangiunneqartut ilinni-arfiup sularisimasaanut “akuersinermut allattuiffimmut” nalunaarneqassasut. Misilitsinnermi peqataasusaaq takkussimangippat, allattuiffimmi immersugas-sami inissivimmi (rubrik) pineqartumi titarnermik ammoortumik pilerneqas-saaq, nalunaarneqassallunilu “TAKKUTINNGILAQ”. Allattuiffik naliliisartu-mit soraarummeersitsisumillu atsiorneqassaaq.

6.1.14. Soraarummeersitsisup pisussaaffigaa, akuersinermut allattuiffik atsiorneqar-simasooq allaffimmut tunniunneqarnissaa.

6.1.15. Karakterinut allattuiffik aaqqinneqarpat, Imarsiornermik Ilinni-arfiup karak-terit allassimanerisa assingat immikkoortoqarfimmi nivinngaaniikkut tamanut ta-kusassiarissavaa.

## 6.2. Allattariarsorluni misilitsinnerit pillugit.

6.2.1. Allattariarsorluni misilitsinneq aallartissaaq, suliassiissutit agguanneqarneri aallartippata.

6.2.2. Misilitsinnerni inini tamani nakutilliisoqassaaq ikinnerpaamik inummik ataatsimik. Inini misilitsinnermi peqataasut 20-it sinnersimappatigit, tamatigit nakkutilliisut ikinnerpaamik marluussapput.


6.2.3. Nakkutilliisoq kingusinnerpaamik misilitsinnissap aallartinnginnerani minut-sit 15-it sioqqullugit isersimariissaaq isumagissallugillu pappiaqqat akissuteqar-fissat agguaatereernissaat kiisalu mappet tunniussiffiusussat.

6.2.4. Inspektørip suliassiissutit allakkap puuaniittut ammassavai nakkutillisumullu tunniullugit, taassumalu misilitsinnermi peqataasunut agguaatissavai.


6.2.5. Misilitsinnerup nalaani misilitsinnermi peqataasut aammalu nakuutilliisup saniatigit allanik misilitsiffimmut isertoqassanngilaq.

6.2.6. Suliassiissutit oqaasertai inimi misilitsiffiusumit anniseqqusaanngillat, misilitsinnerup nalaani.


6.2.7. Pappiaqqat ilanngussallu ilinni-arfimmit tunniunneqartut kisimik atorneqas-sapput. Immap assingi atorneqassappata, misilitsinnermi peqataasunit nassarne-qarsinnaapput.

	<b>Område:</b> Processtyring (Instruktioner og Procedurer.)	<b>Emne:</b> P 038-01 Procedure for afvikling af afsluttende prøver		<b>Side antal:</b> Side 5 af 11
	<b>Godkendt områdeansvarlig:</b> Forstander	<b>Q – bog:</b> Procedurehåndbog	<b>Erstatter:</b>	<b>Forfatter:</b> JC
	<b>Godkendt Q-koordinator:</b> JC	<b>Dokumentbetegnelse:</b> P P 038-01 DK		<b>Gyldig fra:</b> 15.10.2013

- 6.2.8. Suliassiissutitut saqqummiunneqartunut atatillugu allamik aalajangertoqar-simangippat, akissutit pilikkimik imaluunniit kuglepenimik tungujortumik qer-nertumilluunniit qalipaatilimmik allanneqassapput, taamaattorli titartakkat assi-gisaallu kiisalu naatsorsuinermit suliassiissutit naatsorsorneri tamaasa aqerluusa-mik suliarineqassapput, tassanili inernerit pilikkimik imaluunniit kuglepenimik allanneqassallutik.
- 6.2.9. Akissutigineqartoq peqqissaartumik ersarissumillu suliarineqassaaq, aam-malu ilusilersorneqassalluni, immikkuualuttortai misissorneqarsinnaasunngor-lugit aammalu formelit aammalu kisikkallakkanik allatukkanik tamanik ima-qartut, taamaalilluni aaqqiinissamut periaaseq atorneqartoq pisariaqartoq paa-sineqarniassammat.
- 6.2.10. Misilitsinnermut peqataasoq, allattariarsornermi misilitsinnissamut inortui-soq, misilitsinnermut peqataanissaminut piunasaqarsinnaanngilaq. Ilinniarfiulli misilitsinissamut peqataasusaaq peqataanissaanut akuerisinnaavaa, ilinniarfiup ilisimaguniuk, pineqartup suliassiissummut tunngasunik paasisaqarsimanissaa aammalu tulluurtumik inortuinini tunngavilersorinnaaguniuk. Misilitsinnerup sivi-sussusia pissuseqataatut sivitsorneqassanngilaq.
- 6.2.11. Nakkutilliisup isumagissavaa, inimi eqqissisimasoaqqissaarnissaa aammalu misilitsinnermi peqataasunut nakkutiginninnini sammitiinnavissallugu, taamaa-lilluni misilitsittut akunnerminni attaveqatigiissinnaanerit pisinnaajunnaarlu-gu.
- 6.2.12. Nakkutilliisup qaquguluunniit suliassiissutitut tunngatillugu paasissutissa-nik, paasinninnerminnik akissutinillu tunniussissanngilaq, sutigulluunniit malu-gitissanngilaa, suliassiissut ajunngitsumik kukkusumilluunniit akineqarsimaner-soq.
- 6.2.13. Misilitsinnermi peqataasup ini qimakkusullugu qinnutigippagu, aatsaat ta-manna pisinnaavoq ilaqarluni, inilu misilitsinnermi peqataasunit ataasiakkaartu-mik qimanneqarsinnaavoq. Nakkutilliisup ini qimassinnaanngilaa, inummit allamit nakkutilliineq tiguneqartinnagu.
- 6.2.14. Misilitsinnermi peqataasoq, nakkutilliisumit akuerineqarani imaluunniit nak-kutilliisumit ilaqarani misilitsinneq naatinnagu ini qimakkuniuk, misilitsinnermi unitsitsisutut isigineqassaaq.

	<b>Område:</b> Processtyring (Instruktioner og Procedurer.)	<b>Emne:</b> P 038-01 Procedure for afvikling af afsluttende prøver		<b>Side antal:</b> Side 6 af 11
	<b>Godkendt områdeansvarlig:</b> Forstander	<b>Q – bog:</b> Procedurehåndbog	<b>Erstatter:</b>	<b>Forfatter:</b> JC
	<b>Godkendt Q-koordinator:</b> JC	<b>Dokumentbetegnelse:</b> P P 038-01 DK		<b>Gyldig fra:</b> 15.10.2013

- 6.2.15. Misilitsinnermi peqataasoq, suliassiissummut akissuteqarnissamut pissarsiniartooq imaluunniit tunniussiniartooq qularnanngitsumik eqqunngitsumillu misiliisoq paasineqarpat, ingerlaannaq misilitsinnermit ingerlaannaq anisinneqassaaq. Anisitsineq Inspektørimit imaluunniit Forstanderimit isumagineqassaaq.
- 6.2.16. Misilitsinnermi peqataasoq misilitsinnermit anisinneqarpat, ilinniarfiup aqut-suisua aalajangissavaat siunissami misilitsinnermi misilitsinnermut peqataasoq peqataaqqissinnaanersoq.
- 6.2.17. Paasineqarpat, akissutigineqartooq misilitsinnermi peqataasumit eqqortumik sularineqarsimannngitsooq, imaluunniit paasissutissiinnermi atserneqarsimannngitsumit assiliilluni allagaasoq, imaluunniit misilitsinnermi peqataasup eqqunngitsumik suliareersimasumit akissutissaminut ikiorneqarsimappat, pineqartumut misilitsinneq atorunnaarsinneqassaaq, taamaalillunilu misilitsinneq angusinnnginertut isigineqassalluni. Taamaalillunilu misilitsinnermi karakteriliinissaagaluaq atorunnaarsinneqassaaq.
- 6.2.18. Nakkutilliisup misilitsinnermi peqataasunut nalunaarutigissavaa misilitsinnermi piffissaliussami 30 minutsit sinneruttut.
- 6.2.19. Misilitsinnermi peqataasup akissutini tunniukkusuleruniuk, nakkutilliisoq kalerrinneqassaaq.
- 6.2.20. Misilitsinnermi peqataasup nammineq akisussaaffigaa aalajangissallugulu akissutit sorlliit naliliinissamut tunniunneqassanersut.
- 6.2.21. Misilitsinnermi peqataasoq iniminiiginnaassaaq, nakkutilliisup mappep imarisai misissorneri naammassinissaata tungaanut.
- 6.2.22. Suliassiissutit akineqarnissaannut piffissaliussaq qaangiuppat, nakkutilliisup isumagissavaa misilitsinnermi peqataasut suliatic unitsissagaat, iniminiiginnasallutillu, misilitsinnermi peqataasut ataasiakkaat akissutiminnik tunniussereersimanissaata tungaanut.
- 6.2.23. Nakkutilliisup qulakkiissavaa atortut tunniunneqartut ilinniarfiup atianik, misilitsinnermi peqataasup aqqanik inuuianillu, sammisap aqqanik aammalu ark-it qassit tunniunneqartut nalunaarsorneqarsimasumik allassimasumik. Immap as-singi, akissummi ilanngunneqartut nerrivimmuq qimaannarneqassapput.
- 6.2.24. Nakkutilliisup mappemut atsiormigut uppernarsassavaa atortut tunniunneqartut tigusi-mallugit aammalu tunniussinerup nalunaaqutaa nalunaarlugu.

	<b>Område:</b> Processtyring (Instruktioner og Procedurer.)	<b>Emne:</b> P 038-01 Procedure for afvikling af afsluttende prøver		<b>Side antal:</b> Side 7 af 11
	<b>Godkendt områdeansvarlig:</b> Forstander	<b>Q – bog:</b> Procedurehåndbog	<b>Erstatter:</b>	<b>Forfatter:</b> JC
	<b>Godkendt Q-koordinator:</b> JC	<b>Dokumentbetegnelse:</b> P P 038-01 DK		<b>Gyldig fra:</b> 15.10.2013

6.2.25. Nakkutilliisuusup akissutit suliassiissutip allakkanut puuanut inississavai. Suliassiissutinut allakkanut puunut tamanut immikkut aqqit allattorsimaffiat ilaattinneqarpoq, tassani takuneqarsinnaalluni, akissutit sorliit allakkat puuinut ataa-siakkaanut sorlernut ilaanersut.

6.2.26. Nakkutilliisup misilitsinnermi peqataasut allattuiffiat naapertorlugu tulleriis-saarlugit akissutit immikkoortitissavai allakkat puuinut ikitinnagit, tassanimi misilitsinnermi peqataasut aqqi immikkut nalunaarsorneqarmata, akissutillu tiguneqarsimasut allattuiffimmut nalunaarsussallugit. Tamatuma kingorna aamma erseqqissumik nalunaarneqassaaq, misilitsinnermi peqataasoq akissutininik pissarsifigineqarsimanginnersoq. Naggataatigullu allakkap puuani nalunaarneqassaaq akissutit qassit allakkap puuanut inissinneqarsimanersut.

6.2.27. Immap assingi akissutitut tunniunneqarpata, immikkortitserneqassapput taakkua imm. 5.2.27-imitullu aqqit allattorsimaffiannut nalunaarneqassallutik.

6.2.28. Nakkutilliisup suliassiissutit allakkat puuniittut allaffeqarfirmut pineqartumut tunniutissavai. Aqqit allattorsimaffiat tunniunneqannginnermini allakkap puuanut ikineqassaaq.


### 6.3. Allattariarsornermi suliassiissutit kukkunersiorneri.

6.3.1. Allaffiup namminerisamik allakkap puua soraarummeersitsisumut tunniutissavaa.

6.3.2. Pisariaqassappat akissutit nutserneqassasoq, nutserisunut taanna tunniunneqassaaq. Nutserneqarnerani ilinniartup aqqa aamma normua, sammisap atia aamma suliassiissutip normua ersarissumik saqqumitinneqassapput.

6.3.3. Siullermik soraarummeersitsisup suliassiissutit kukkunersiussavai. Kukku-nerit amigaatillu kinaassuseqanngitsut suliassiissummi nalunaarneqassapput. Tassungalu ilanngullugu nalunaarusiortoqassaaq naliliinissamut atugassanik. Nalunaarusiaasut naammagittaalliortoqassagaluarpat atorneqarsinnaasunngorlugit aammalu taakku toqqorneqassapput naammagittaalliornissamut piffissaliussap qaangiunnissaata tungaanut tigummineqassapput.

6.3.4. Tamatuma kingorna soraarummeersitsisup namminerisamik allaffimmut allakkap puua tunniutissavaa, allakkallu puua tammatsaalisassatut naliliisussamut

	<b>Område:</b> Processtyring (Instruktioner og Procedurer.)	<b>Emne:</b> P 038-01 Procedure for afvikling af afsluttende prøver		<b>Side antal:</b> Side 8 af 11
	<b>Godkendt områdeansvarlig:</b> Forstander	<b>Q – bog:</b> Procedurehåndbog	<b>Erstatter:</b>	<b>Forfatter:</b> JC
	<b>Godkendt Q-koordinator:</b> JC	<b>Dokumentbetegnelse:</b> P P 038-01 DK		<b>Gyldig fra:</b> 15.10.2013

nassiunneqassaaq. Naliliisussarli ilinniarfimmiippat, allakkap puua inuttassaanut tunniunneqassaaq.

6.3.5. Naliliisissap suliassiissut tamatuma kingorna kukkunersiussavaa aammalu naliliinissaminut atugassaminik ilanngullugu nalunaarusiussalluni.

#### 6.4. Oqaluttariarsorluni misilitsinnerni.

6.4.1. Oqaluttariarsorluni misilitsinneq aallartissaaq, misilitsinnermi peqataasup apeqqutissamik makitsiniariapat.

6.4.2. Misilitsiteriaatsini, apeqquteqaatit aallaaviginagit naliliisussaqaartillugu, misilitsinneq aallartissaaq, misilitsinnermi peqataasussaq inimut misilitsiffissamut iserneraniit.

6.4.3. Misilitsinnermi peqataasussaq, oqaluttariarsorluni misilitsinnissamut piffissaliussaq nallerpat takkussimangippat, misilitsinnissaminut peqataanissamut pi-umasaqarsinnaangilaq, kisiannili ilinniarfiup paasiguniuk inortuineq patsisissaqarluartoq, kingusinnerusukkut peqataanissaminut neqeroorfigineqarsinnaavoq.


6.4.4. Oqaluttariarsorluni misilitsissutit tamanit tusarneqarsinnaapput, tassami naliliisussat soraarummeersitsisussallu pisinnaatitaagamik aalajangersimasumik amerlassusilinnik tusarnaartoqarnissamut, tamanna pisariaqassappat.

6.4.5. Misilitsinnermi peqataasooq apeqqutissamik toqqaassaaq, makitsinikkut toqqaaguni ikinnerpaamik apeqqutiniq 3-inik toqqaanissaminut periarfissaqassaaq imaluunniit misilitsinnermi pikkorissarnermi suliarisimasat imaluunniit iluarsartuullugu pilersaarusiamik/nik suliarisimasat aallaavigalugit saqqummiinikkut.

6.4.6. Soraarummeersitsisoq naliliisorlu inimi misilitsiffimmiissapput, misilitsinnermi peqataasussap apeqqutini makippagu. Soraarummeersitsisup qulakkiissavaa, peqataasussap apeqqut paasisimassagaa.

6.4.7. Misilitsinnermi peqataasussap piareersarnermini piffissaliussaasup iluani periarfissaqassaaq atuartitsinnermi atuakkat il.il. misissorsinnaanissaannut. Misilitsinnermi peqataasussap piareersarnerminut atatillugu nalunaarsuusiorsinnaanissaminut periarfissaqarfisinnaavaa.



	<u>Område:</u> Processtyring (Instruktioner og Procedurer.)	<u>Emne:</u> P 038-01 Procedure for afvikling af afsluttende prøver		<u>Side antal:</u> Side 9 af 11
	<u>Godkendt områdeansvarlig:</u> Forstander	<u>Q – bog:</u> Procedurehåndbog	<u>Erstatter:</u>	<u>Forfatter:</u> JC
	<u>Godkendt Q-koordinator:</u> JC	<u>Dokumentbetegnelse:</u> P P 038-01 DK		<u>Gyldig fra:</u> 15.10.2013

6.4.8. Soraarummeersitsisup atuakkat ilinniutit aammalu naqitat ikiuutaasinnaasut assinginiq saqqummiussissaaq, taakkuali naqitani sutigulluunniit ilassutiniq, erseqqissaatinik imaluunniit ataatigullu titarnilinnik imaqartinneqassanngillat.

6.4.9. Soraarummeersitsisup misilitsinneq aqussavaa. Naliliisoq soraarummeersitsisup akuerisineratigut misilitsinnermi peqataasumut apeqqutiniq ataasiakkaanik apeqquteqarsinnaavoq. Naliliisup aalajangissavaa, misilitsinneq qanoq ilineratigut naammassineqassanersoq.

6.4.10. Oqaluttariarsorluni misilitsinnermi karakterinik tunniussinnermi ilinniartut ataasiakkaat aallaaviussapput.

**6.5.** Iluarsartuullugu pilersaarussianut, pikkorissarnermi sulianut aammalu pilersaarussianut suliaqarnernut atatillugu:

6.5.1. Pikkorissarnermi suliaq imaluunniit iluarsartuullugu pilersaarussiaq oqaluttariarsorluni misilitsinnermut atatillugu nalilinqassappat, soraarummeersitsisoq aamma naliliisussaq misilitsinneq aallartitsinnagu isumaqatigiissutigissavaat atortussat tunniunneqarsimasut aallaavigalugit sammisat sorliit tusarneqassanersut aamma apeqquteqarfigineqassanersut.


6.5.2. Pilersaarusiap tusarniarneranut atatillugu soraarummeersitsisup naliliisullu misilitsinnerup nalaani suliarisap imaata aammalu atuartitaanerup ingerlanneqarneranut tunngasunik apeqquteqarsinnaapput. Soraarummeersitsisup misilitsinneq aqussavaa aamma naliliisup aalajangissavaa misilitsinneq qaqugu naammassineqassanersoq.

**6.6.** Assassorluni misilitsinnerit pillugit.

6.6.1. Assassorluni misilitsinnernut atatillugu suliamut pineqartumut isumannaallisaanikkut najoqqutassiat atuuttut malinneqassapput.

**6.7.** Karakterinik tunniussinnermut tunngatillugu makkua atuupput:

Ilinniartut aamma pikkorissarnermi peqataasut misilitsinnermi aamma soraarummeerni peqataanerit uppersarneqassaaq, ilinniartitaanerni ataasiakkaani il.il. malittarisassaasut malillugit misilitsinnermi-, soraarummeerni- imaluunniit naggataarutaasumik allagar-taqarnissamut uppersaanikkut, naliliinerillu karakterskala imaattoq malinneqassaaq (7-trinsskalaen).


	<b>Område:</b> Processtyring (Instruktioner og Procedurer.)	<b>Emne:</b> P 038-01 Procedure for afvikling af afsluttende prøver		<b>Side antal:</b> Side 10 af 11
	<b>Godkendt områdeansvarlig:</b> Forstander	<b>Q – bog:</b> Procedurehåndbog	<b>Erstatter:</b>	<b>Forfatter:</b> JC
	<b>Godkendt Q-koordinator:</b> JC	<b>Dokumentbetegnelse:</b> P P 038-01 DK		<b>Gyldig fra:</b> 15.10.2013

- 12/A: Pitsassuarmik naammassisaqarneq.
- 10/B: Ajunngivissumik naammassisaqarneq.
- 7/C: Kusanartumik naammassisaqarneq.
- 4/D: Akunnattumik naammassisaqarneq.
- 02/E: Naammattumik naammassisaqarneq.
- 00/Fx: Naammanngitsumik naammassisaqarneq.
- 3/F: Sullunartumik naammassisaqarneq.

- Karaktereq 12/A tunniunneqartarpoq pitsassuarmik naammassisoqartillugu, tassani takutinneqarluni sammisap anguniagaanut tamakkiisumik saqqummiineq, kukkuneqanngitsumik imaluunniit suulluannngitsunik amigaatilimmik naammassiinikkut.
- Karaktereq 10/B tunniunneqartarpoq ajunngivissumik naammassisoqartillugu, tassani takutinneqarluni sammisap anguniagaanut annertuumik saqqummiineq, annertunngitsunik amigaatilimmik naammassiinikkut.
- Karaktereq 7/C tunniunneqartarpoq kusanartumik naammassisoqartillugu, tassani takutinneqarluni sammisap anguniagaanut naammassiisumik, arlalinnik amigaatilimmik naammassiinikkut.
- Karaktereq 4/D tunniunneqartarpoq akunnattumik naammassisoqartillugu, tassani takutinneqarluni sammisap anguniagaanut annertunngitsumik naammassiisumik, arlaqartunik pingaarutilinnik amigaateqartumik naammassiinikkut.
- Karaktereq 02/E tunniunneqartarpoq naammattumik naammassisoqartillugu, tassani takutinneqarluni sammisap anguniagaanut annertunngitsumik akuerineqarsinnaasumik naammassiisumut.
- Karaktereq 00/Fx tunniunneqartarpoq naammaginannngitsumik naammassisoqartillugu, tassani takutinneqarluni akuerineqarsinnaannngitsumik naammassiisumut.
- Karaktereq -3/F tunniunneqartarpoq akuerineqarsinnaannngivissumik naammassiisumut.

## 7. Ansvar

- Ilinniarfiup forstanderiata akisussaaffigai imm. 6.1.1, 6.1.2, 6.1.3, 6.1.4, 6.2.1, 6.2.4, 6.2.5, 6.2.6, 6.2.7, 6.2.11, 6.2.17, 6.2.18
- Inspektørip pineqartup akisussaaffigai imm. 6.1.1, 6.1.2, 6.1.3, 6.1.4, 6.1.15, 6.2.1, 6.2.2, 6.2.4, 6.2.5, 6.2.6, 6.2.7, 6.2.8, 6.2.11, 6.2.17, 6.2.18, 6.3.1, 6.3.4, 6.4.3
- Soraarummeersitsusup akisussaaffigai imm. 6.1.5, 6.1.6, 6.1.7, 6.1.9, 6.1.10, 6.1.11, 6.1.12, 6.1.13, 6.1.14, 6.3.2, 6.3.3, 6.3.4, 6.4.1, 6.4.2, 6.4.4, 6.4.5, 6.4.6, 6.4.7, 6.4.8, 6.4.9, 6.4.10, 6.5.1, 6.5.2, 6.6.1
- Naliliisup akisussaaffigai imm. 6.1.5, 6.1.6, 6.1.7, 6.1.9, 6.1.10, 6.1.12, 6.3.5, 6.4.4, 6.4.5, 6.4.6, 6.4.7, 6.4.9, 6.4.10, 6.5.1, 6.5.2

	<b>Område:</b> Processtyring (Instruktioner og Procedurer.)	<b>Emne:</b> P 038-01 Procedure for afvikling af afsluttende prøver		<b>Side antal:</b> Side 11 af 11
	<b>Godkendt områdeansvarlig:</b> Forstander	<b>Q – bog:</b> Procedurehåndbog	<b>Erstatter:</b>	<b>Forfatter:</b> JC
	<b>Godkendt Q-koordinator:</b> JC	<b>Dokumentbetegnelse:</b> P P 038-01 DK		<b>Gyldig fra:</b> 15.10.2013

- Nakkutilliisup akisussaaffigai imm. 6.2.1, 6.2.3, 6.2.4, 6.2.6, 6.2.7, 6.2.8, 6.2.12, 6.2.13, 6.2.14, 6.2.15, 6.2.16, 6.2.19, 6.2.23, 6.2.24, 6.2.25, 6.2.26, 6.2.27, 6.2.28, 6.2.29
- Soraarummeertup akisussaaffigai imm. 6.1.8, 6.2.8, 6.2.9, 6.2.10, 6.2.14, 6.2.15, 6.2.20, 6.2.21, 6.2.22, 6.4.7, 6.6.1
- Nutserisup akisussaaffigaa imm. 6.3.2
- Pitsaassutsimut ataqatigiissaarisup Aqutsisut suleqatigalugit ingerlaaseq una allanngunnginnissaa akisussaaffigaa.